

5. maaji 2022

UPA2022/123

”Inatsisartut aalajangiiffigisassaattut siunnersuut Naalackersuisut peqquneqassasut, Kalaallit Nunaannut aqqusinikkut angallannermut inatsi allangortinnissaa pillugu Rigsmyndighed-mut saaffiginnissasut, qamuterallannut ingerlatsisinnaanermut 16-nik ukioqarsimanissamut inissinneqarnissaanik.”

(Jens-Frederik Nielsen, Demokraatit)

Qamuterallannut ingerlatsisinnaanerup 16-inik ukioqalersimasunut atuutsinneqalernissaanut Demokratineersup, Jens-Frederik Nielsenip, aalajangiiffigisassatut siunnersuutaanut Siumumit ima oqaaseqassaagut:

Siumumi tunngaviumik isumaqarpugut, motorilinnik ingerlatsisinnaassagaanni inuttut inerisimasuunissaq piumasaaqaataassasoq. Taamatullu isigaavut inuusuttut 16-inik ukioqalersimasut, - aamma akisussaassusilimmik tamakkuninnga sammisaqarsinnaanerit apeqqusersunningsigut.

Qamuterallannut ingerlatsisinnaanissamut ukiuinut tunngatillugu, 16-inik ukioqarnissaanik piumasaaqaateqarnissaq Siumumit tapersorsorparput. Taamak isummernerput tunngaveqarpoq, 2006-p siorna pissutsinut utersaaqqittoqassammat. Taamani 16-inik ukiullit ingerlatsisinnaasimapput, illoqarfinnilu toringitsuliortarsimanerit pissutigalugit 18-inut taamani qaffaasoqarsimavoq.

Ullutsinni inuusuttut taamak isiginngilagut, aamma naatsorsuutigaarput akisussaaffeqarlutik qamuterallannik ingerlatsisuunissartik namminneq apeqqusersunningsikkaat, - inoqatinut pinngortitamullu akornusersuisunningsortinneqassannginnera ilanngullugu. Inuusuttullu inuttut inerisimasutut isigigatsigit, naatsorsuuteqarfigaavut navianartorsiornanngitsumik qamuterallannik - allatuulli 18-inik ukioqalereersimasutut – akisussaassuseqarlutik atuisinnaassasut.

Ilanngulluguttaaq erseqqissarumavarput, nunarput isorartuupilussuummat, taamaakkamilu piffiit ilaanni qamuterallaat aalisarnermut ilanngullugit atorneqartarmata, - piffiillu ilaanni pinnguaatit atorneqarnerusartut. Taamaammat suleriaqqinnissatsinnut tunngatillugu nalilersorluagassaqarpugut.



Sumiiffiit ilaanni aalisarnermut qamuteralaat atorneqartarput. Kinalu oqarpa inuusuttut aalisarnermik ingerlataqartut qamuteralannik assartuuteqassanngitsut.

Tamatuma periarfissaanerattaaq eqqumaffigineqassasoq, Siumumit eqqumaffigisariaqartutut isigaarput.

Taamak oqaaseqareerluta ataatsimiitsitaliamut susassaqartumut suliap ingerlateqqinneqarnissaa innersuupparput.

Aslak W. Jensen, Siumut